

pericola, no se deve incolpar lui de tutto el mal? I fiorentini ha al presente provado el simile, i quai per avidità non considerando al presente pericolo ha lassado accresser le forze di Filippo tanto che con pericolo di perder la libertà sono poco manco che vinti, o soggiogadi. Ma che digo? Se me ritrovassi in cao (*capo*) del mondo e vedessi un popolo esser privado dello stato, della libertà, se non li podessi dar aiuto certamente che saria in gran travaglio e dolor, e nui tardaremo a dar aiuto ad un popolo chiarissimo nell'Italia e propinquissimo? Nu patiremo che Filippo tioga la libertà ai Fiorentini? Sto furibondo tiran scorrerà per tutta l'Italia, la struggerà e conquasserà senza castigo? El qual non così tosto haverà sottoposto i Fiorentini (come tutto el mondo grida) che imediate prenderà l'arme contro di noi. Questo lu va machinando, questo solo pensa. Però non posso far che no me maraveggi d'alcuni, i quali sebben i cognosse questo esser tutto vero, niente de manco consegnano a non si muover e non aiutar in conto alcuno i Fiorentini. Mi veramente, padri prestantissimi, ho questa ferma opinion, che non se debba abbandonar la cosa dei Fiorentini, i quai cascadi che fossero, l'imperio (*la Signoria*), no puol far di manco di non patir qualche segnalata ruina. Ma salvi che siano quei, di che havemo più nui a temer? Oltra de questo i Fiorentini no i xe cussi esausti e consumadi che no i possa far grando esercito e far la so parte gagiardamente contra sto inimico comun. El Carmagnola anche n'ha mostrado col so parlar el poder de Filippo, el qual non è tanto grando, come se dise, nè dovemo sperar se non felice e prospero fin, havendo per capitano della nostra gente el Carmagnola, el qual esperto nella guerra non ha in tutta Italia ugal a sti tempi de gagiardia e disciplina delle milizie, sotto il qual capitano n'è offerto certamente gran speranza de dilatar li nostri confini. Tutte ste cose ne